

燕石集卷第七

律詩七言

和杜德常萬歲山暮春

霧香雲深日取西
紅稀綠暗鬧黃鸝
双娥有淚仍啼竹
四老無情謾採芝
遊石喜逢三月閏
芳菲空度一春遲
誰家甲第歌聲咽
何處名園舞袖垂
祇有情懷似中酒
那能心緒及遊絲
少年咲我真痴絕
一日閒愁十二時

追賦苑主事南野亭麗正門外

女牆不隔鳳城春
柳色危亭枕水濱
夜城松風吹几杖
曉闌花露濕衣中
西隣池館存碑石
園清勝東里園林換
主人萬柳得似

夫君能曠達百壺清酒日娛賓

送崔時敏司獄省母汴中兼寄吳彥輝六月一日

萬態峯前望白雲暫因王事問晨昏渡頭橫濟水蔓水歸騎直
趨酸棗門阿母慈顏深有喜寧馨陰德果無冤故人 脚臨尊
俎為說相思入夢魂

端午日雨霽暫出齊化門回入城遙面京西諸山及市肆

風景追憶延祐六年六月廿有日侍誠夫尚書兄初
自江南還都亦經此路仍值雨晴今十有五年矣感念
疇昔因賦此詩

官柳垂陰霽景鮮憶携家具過通廛雕盤拒粉珠憶綉陌驂

騶輝錦鞵上國繁華過陝洛中朝文物勝開天由來幾度南柯
夢唯有青山似昔年

抑人王道原遊吳楚至京師凡二十餘年著春秋義成書
除韶州路教授

方州一士耻孤陋老大挈舟辭楚鄉萬里周流踪跡遠半生著
述鬢毛蒼侯門久客公車薦驛路榮歸祖席張到日里閭爭餽
賀儒冠稽古動輝光

直沽夜興 元統癸酉八月南使江浙

戍鼓聲催夕照低蕪葭揚柳澹烟微偶因海浦聽吹簫却憶京
城聞搗衣戀闕豈無情戚別家那有思依傳聞大駕還都

近惟得寒風凜夕威

東岡崇恩寺晚酌其僧一峯求詩

山門杉檜碧蕭森
步屣迴廊一徑深
罷酒長風來北渚
按歌明月出東林
幽軒晚立雲客濕
高閣晴登海氣侵
忽報寒溝潮信到
可能重聽穎師琴

過餘姚寄賈治安同知

秋深持節下鑿坡
吳越風煙入浩歌
溪水通橋松作竇
山雲收雨石為窩
避泥驕馬哺寒草
過隴饑牛嚙早禾
別駕歸來應咲我
驛程何事苦吟哦

慶元書事

鶯脰湖平好看山
鮎蹄亭遠莫憑闌
帽沾江雨晚鬢濕
袖舉海風秋臂寒
天上仙槎來八月
雲邊商舶去三韓
蓬萊更訪長生藥
却擬乘桴事不難

永嘉江心寺留題

隔江孤嶼敞空門
不似山林不似村
双塔畫深樟樹影
半階寒沁海潮痕
連城客到詩常滿
到岳僧回粥尚溫
欲寄微軀恨無策
暫時相償慰羈魂

福建道中

北人不慣住炎方
英蕩函邊藥果香
鼻到崇安試蘓合
舌過南劍漬擯柳
刺寒命酒資
調護晝煖披襟
恐中傷共喜
我來當十

月肩輿猶憇午陰涼

台州郡治後山亭留飲席上走筆

孟冬短日到台州勝境喜過都賢侯眼前丘壑太岑蔚閣後臺榭仍風流巾子峯高晚色近淨香亭小寒光浮徜徉儘可留剡客談咲不必存吳謳

贈任大正御史于福州

十月一別太契濶兩月仍得相逢三世事茫茫不可料交情翕翕誰能諳姑蘇臺前秋草遠浙江亭下寒雲酣冬深却恐霜威重後會不得同清談

馬伯誠彥拘以繕寫經世大典成書受左衛教授頃次暫

還吳興

幾年京國養踈慵詩似朝霞氣似虹天上書藏群玉府日邊人訪水晶宮 朝富麗詞臣盛漢代隆平賦客工政好清明事鉛槧重來搗藻頌無窮

高麗人李穀字中甫元統元年登乙科為翰林檢閱官明年被命使本國宣諭勉厲學校制書其行也贈之以詩蓋蘓文後少武事情溝樓下有書聲貢士來經鴨綠遠登科去被牙緋榮中朝分命新詔使東人爭逐舊儒生德音宣布聲教廣遣子入學同趨京

莆田陳象仲由國子助教提學江浙

送君有情忘別恨，愧我無句據幽懷。固知湖山適吟嘯，乃與館閣成睽乖。紫鳳天吳存曲折，黃鐘大呂變淫哇。斯文自是專方面，猶為我冠嘆不諧。

平坡訪謝草池二首

仙家秘館西山隈，石磴乘馬能獨來。山腰檜柏當晝暝，澗底桃李爭春開。設棋不作空置局，貯酒常滿頻銜杯。道士誦詩成久聽，不知斜日下荒臺。

玉泉西畔昔慣往，盧師東邊今始行。山石聳峭啞馬足，樹林陰翳藏禽聲。座上主人談衆妙，壁間圖畫教長生。所嗟秘境禁來往，不敢題詩留姓名。
懸畫八幅皆熊經鳥伸之術

禮部主事劉文瑞父母慶八十壽

沂州老人八十強，寧馨有官居議郎。鸞鳳五華恩誥下，魚龍百戲壽筵張。西京牛酒春無價，南極星辰夜有光。昨日升堂親几杖，毫眉三寸點秋霜。

新城道中雷雨喜晚晴

震霆人馬俱辟易，揮鞭不復能掩聰。車葉沉沈過凍雨，柳陌蕭蕭來晚風。失馬急追憐從者，負薪徒涉念衰翁。驛程亦有馳驅苦，猶及殘陽一點中。

送呂仲實僉憲廣西

得官嶺表衆所惡，持憲廣西君獨榮。士論翕々似華衮，祖道聚

梨皆簪纓榕葉晚者思禁柳杜鵑晨聽憶宮鶯歸來鐵面如紅
玉不盡論思獻納情

鑑湖水送烏希

希說以至元丙子夏由史屬代祀北岳濟瀆南至會稽臘殘求贈言適歲尾蠟文有鑑湖水之語遂為題賦詩餞之予以至順冬酉使過紹興不得一至湖上迄今歎然

鑑湖百頃生涼秋知章陳情太白遊子今乃能五月往我昔不
得一日留吳娃合曲風度舫越女浣紗雲滿頭燕趙緇塵都洗
盡荷花深處薦瓊舟

送張宣夫勸光回漳州

赤嶺坡前春日遲揚柳橋下暮潮低閩中遊子歌相別天上故
人書漫題茉莉吹香來竹戶磨磨作隊過松畦良田美樹還家

樂昨日青林杜宇啼

送安伯寧由大名治中赴上沔陽知府

一違鷓鴣行中去西度江河補外行吏枝遠迎茅步市旌麾先
過漢陽城民間魚稻富生理幕下賓僚多宦情我亦二毛思五
馬臨風常為使君榮

襄陽揚萬戶命道士禱雨有應

雨華奮說隨車降天意曾因決獄回鐵甲將軍今禱雨玉壺方
士解呼雷樊城麥穗千家熟峴首秧苗幾處栽感應玄機有如
此轅門新政亦佳哉

左司丁貞夫號嵩巖 洛陽人

枝峯蔓壑燦煙霞自古神仙就作家天井穴深留石髓貝多
樹老放瑤華山人索價遺踪香王子吹笙去路賒莫向風前賦
招隱紫薇花下鬢髮參髭沙

和王君實戶部早秋巡山韻

遠臨遼海近軍都今代神臯異古初萬乘省方嚴禁鑰十官糶
武肅郊居祈年寺塔存唐像利國河渠入漢書賴是星郎解
橫寫吟餘胸次日清虛

送揚子宣尹鄆城

明時作邑重優游我為斯人抱隱憂巨室昂昂張虎翼姦民
激激沸魚頭朝衙召集鄉三老暮邸趨承郡督郵利刃往年曾

一試知君談笑已無牛

七月望日西山即景十二韻

朔土中元展墓辰暫從時俗出重圍秋光蕭颯無餘暑野色虛

明不動塵仙館舊時通輦路昭宮西有英廟別殿官溝佳處似江津通惠

廣源輝風物類方郊扉亭榭皆沽酒石岸灣碕半粥鬻薪見寺參差多

白塔逢僧路繹盡山竟茨映草花輕小鴻芡遮萍大葉勻潔

白芙蓉猶是夏淡黃揚柳不如春偶隨魚艇方遊日忽見龍舟

却愴神英廟文宗兩廟御舟藏廣源輝上別港金水河寬風掠面玉泉山暗雨催

人馬蹄不憚平蕪遠鳥語常因密樹頻可惜痴頑携子姪未能

放曠會親賓茫茫世網誰堪約負郭同為李稼民

濟南張侯至大二年奉御香禱早歷山舜祠兩應是年十

二月也

武皇齋祓禱重腫近侍函香解蘊隆灤水氣通雲漠、繡江波
合雨濛、頓蝗不待逢深雪牧守惟知問太空自古精誠多感
格誰云野語出齊東

送篤烈圖敬夫南臺御史時予居閒

一從桂苑下瀛洲君寵難忘志未酬今戴豸冠辭上國又分龍
節向南州跋鯨應貽駢驥咲飛鴻亦有稻梁謀道旁揚柳不堪
折江上梅花相憶不

先兄正獻公墳所寒食自和氣門歸馬上賦

適野襟裛自豁然入城景物又堪憐御溝春水高于路海岸風
塵暗似烟醉客輕生馳騁裏痴兒薄行調婢媛 驅逐顧西山
色自咲詩人嗜好偏

送范悅古赴江西憲掾

悅古名亭曲進士不第掾江西憲
久之以誣罷去又中鄉舉會科場

廢御史辨其寃復為江西憲掾

丹桂凋零翠栢高吳船還又泛江濤鷺禽整翮仍堪擊鷗鳥忘
機自不勞晚陌行人折楊柳春城別館酌蒲桃婢媛後夜東湖
月莫向明時嘆馬曹

於潛謝克章松巢

濁世囂塵如洛水巢居故向萬松間下窺震澤三江浪高揖殘

唐九重山虎魄餽糧應可畜
兔絲牖戶若為攀
杏梁桂柱長安陌
不直危枝一解顏

臨安劉子簡以至元二年觀光京師明年告歸作詩送之
文昌殿古黑雲低
光乾門深白日迷
遙掖有時耳引去
丈夫何事苦分携
上林春去鶯猶囀
南國晨征馬不嘶
多少憂端無別恨
烟江何處覓緘題

李重山都司號梅庭

愛梅大是清絕倫
置之庭除尤可人
寒影夜移青玉案
暗香晨衰白綸中
隴頭江上徒千里
月地雲階少四隣
更道廣平心鐵石
可無新語慰花神

向來按部指秋期
子月登車我獨遲
双塔道旁觀俗處
百泉莊上卹災時
烟昏導騎搖笏錄
燈暗痴僮下屐
不聽謳歌聽愁嘆
何心工和壁間辭

灤州除夕憶京師諸公奉寄

豈不懷歸畏簡書
無人視跡闔樗蒲
那知年後得春氣
謾向天邊瞻斗樞
一榻衾裯明搢拙
五更簫鼓蹋邏逾
屠蕪詰旦誰先飲
鷓鴣黎明衆共趨
纖手菜絲應不送
端門戟宴肯相頌
鳳城多少藏闈會
一樣銀燈惜歲徂

元日又懷諸公自次韻

攬轡寒郊理簿書
明時不用伏青蒲
喜聞蕤英頒庭陛
驚見桃

符映戶樞長樂曉鐘紅叱撥大明春殿紫邏逾六街車馬魚鱗
集百辟衣冠鳥翼趨幕省貴人辭瑣闥晴窓獨客攬髭鬚年
勲業歸公等莫嘆紅塵急景徂

六日雨中聞詔赦將至

一札飛來寬大書潞陽歸騎踏菅蒲九天雨露開元化列宿光
芒拱北樞時近春盤傳餅餡雲昏千枕卧邏逾連朝吏士開尊
飲旦日官僚秉笏趨葛亮有言垂往昔陽球興嘆失斯須傳聞
幾處園扉靜讖獄無勞趨暑徂

淮南潘子素持吳唱酬詩一卷見示偶七夕久坐書懷

次韻寄卷中諸友

悔拋蕙帳下阿老鬢飄蕭半寫涉世情懷今日薄立朝勲
業古人多靜聞珠露零丹桂清愛銀灣漾白波良夜賞心難寄
遠定應同調製吳歌

予以延祐元年從先兄正獻公入汴始識彥輝吳徵君是

歲故中丞馬公伯庸今翰林學士謝公敬德國子博士

王君師魯鄉貢河南行省迄今二十五年予再以按行

至汴居監察行院去徵君所居僅半里猶以公事未畢

尚遲于請見時馬公亦薨謝王在館閣感念存沒賦唐

律一首先遺持遺徵君正至元四年戊寅

二十年前入汴州梵王仙館涉春秋家々庭院森湖玉處々簾

攏映海榴金馬石渠傷別遠丘山華屋動新愁誰憐閉著車中
婦猶望元龍百尺樓

仲宣樓登眺

國家全盛似金甌江漢澄清控上游帝子幾時臨北渚庾公何
處倚南樓雲來巫峽祠空在霜落荆門樹自稠持節重來行四
望孤懷別有凭闌愁

左司李重賢遠清亭

亭下盈池漾綠光紅粧翠蓋似橫塘不須玉井十丈藕自有鑑
湖五月涼座上莫焚金鼎篆尊前仍注碧蘭香主人逸興幽人
句多幸俱留百世芳

武昌近城阻風雨三日不得到城下遣興一首山南僉憲
之行

五月江風多自南停舟滯雨興誰堪呂公磯送驚心浪大別山
凝撲面嵐北海酒尊空已久善和書冊遠誰探妻兒不解窮通
理看挂明朝十日颿

當陽道中錄囚襄陽

路指沮漳散馬蹄園林芳潤稱幽栖淺山有勢藏杉冢細水無
聲過稻畦病暍久忘河朔飲貪眠常惡汝南鷄莫嗟六轡多匆
遽猶暇尋詩汎筆題

山中送武當馮尹景仲入京以詩送之

卓午山頭樹影高，豈期多幸此相遭。嗟寒雁迷書問，共訝秋霜點鬢毛。張緒猶如少年柳，劉郎重看舊時桃。故人侍直金鑾密，應向明誦拔茅。景仲與歐陽學士同年故及之。

過馬嘶山留題寺中

鷄鳴山接馬嘶山，萬壑晴雲井底看。湍澗縈紆五十渡，石梯竿确百十盤。光華固為周原重，險阻其如蜀道難。題罷新詩動高興，五湖何處水雲寬。四十八渡，脚不乾，行人絕到馬嘶山坊房。

山中漫賦題鬼平官舍

繡衣不為吟哦出，詩料縱橫簇眼前。岩鳥雜鳴諸部樂，石苔亂布五銖錢。焚香乞水痴求雨，刻木通巧溉田尸。位空言無所補，

寓情託物亦猶賸。

七月三日喜至鄖縣山行無旬至此始出

稻花香裡過琳宮，一舸斜陽漢水東。下馬已辭山嶽業，開軒仍見竹葱籠。畫簷不礙迎霜月，玉宇頻來處暑風。童御無知友朋遠，滿襟山思與誰同。

太公遇文王圖

狂王喪心醉其上，老叟辟世居渭濱。出獵初非取獸意，垂釣豈是求魚人。千年茅土有終始，一時際遇無比倫。韓彭烏合成菹醢，三顧猶堪繼後塵。

愛竹
所寓官舍有竹數叢

京華廿載看盡竹今見群笋森階前錦綉初苞已挺特筠粉半
落尤清妍何人炎歎弄團扇有客風露為華筵平安不待網維
報軒車未膏日周旋

章臺寺留題

高林過雨曉蒼蒼水木清華古道場亭子是誰開四五招提綠
此異尋常風聲蕭颯群松翠日氣醺酣二麥黃墟墓令人不
怡悅何妨却茗進瓊觴寺後圃有巨松二三百株中有歲寒聯
翠遠塵無垢諸亭一畔古冢甚多

荆門州治後惠養亭留題亭在山麓

南直江城近可通東連郢樹暗無窮臺高先得瀛洲月地陜
難乘闌苑風雲射晴紅爛熳山經凍雨翠濛濛惟餘蒙惠

泉頭路猶在探奇夢寐中蒙惠泉在州西姚暢皆有詩

雨後利陽道中

二年四過山前路三度值雨難攀躋最憐綠水注深堰不惜青
馳汚濁泥澤畔藕花怡旅况隴頭木穗慰妻啼豐登已是囊中
物易得新詩掃壁題

寄賀徐復初江浙檢校

故人家住黃鶴樓三年不到鸚鵡洲紅塵向日事京局清夜夢
寐思林丘聳壑昂霄今老大唾壺譚塵舊風流傳聞調官赴吳
會我為終夕喜不休

寄慰翰林謝敬德學士

故人昔佐湘陰州，召赴館閣二十秋。高文大冊有清譽，賦詩酌酒無白頭。荷索兩京久勞瘁，行年六袞空優游。一官不調竟無愠，我為終夕悶不休。

夷陵曉望峽口即景感懷十四韻

按部峽州

一握青天萬丈崖，長江束縛此中來。山形遠導岷峨脈，水戒明徵灑灑堆。疏鑿神功思萬載，戰爭遺迹嘆秦灰。濤翻澎湃朝噴雪，灘激砰訇夜吼雷。割據每能資伯業，棄捐亦復到奴才。乾坤設險萃夷判，名利輕生肝膽推。匠操篙要厚賂，波神賜玦享冥財。見時夢寐光陰速，客裏登臨懷抱開。紅葉黃花為誰好，玄猿白雁有餘哀。百川逝水流無極，孤鳥長空去不回。昨日舟航辭白帝，當年雲雨下陽臺。竹枝歌裡堪容與，人鮪甕邊難溯洄。千里畫圖真妙甚，醉翁文字亦高哉。遠遊政到離騷國，賦罷招魂試舉杯。

遠安留題

楚邊窮處蜀分疆，小邑幾為山所藏。放火種畬今得趣，辟兵鑿穴舊堪傷。每因巖壑起雲氣，少見日月開晴光。我來問俗聊弭節，深林不敢久徜徉。

目送

目送孤鴻欲滅時，出人懷抱有誰知。茫茫往古青山在，疊疊來今白髮垂。陶令忘憂多嗜酒，少陵遣興只吟詩。唯餘安樂窩中

老笑俯塵寰者大基

孝感紀異詩 并序

太原惠思忠信夫由汾州吏薦補山南憲府從事掾下以父年登七袞難于遠行父趣之曰吾方後兒從官以元二年冬至荆 再閱月猶未供後復歸省見黃柑荔技諸果類非北上所有得之襲以衣襪將餽其父至則父已卒家人問曰若持荔來耶信夫驚其弟告之曰父初沒時衆擗踊環哭久而復甦止哭者曰我適夢到南中見兒餽我果名荔技我嗽之風味非常兒今來矣言既而卒信夫聞其慟哭頓絕出所包果以薦蓋信夫山南啓行之時公易箒之父實三年二月二十又八日也時人異其孝感予為紀其事仍系以詩

河東老父雪盈頭捧檄兒郎事遠遊莫道襟懷如陸績直疑魂魄似黔婁薦新禮在情相稱陟岵詩成淚莫收理氣相關有如

此不須身外強推求

逸老堂

九老仙都宮唐真人

臨水垂楊遠院松高堂仙客養疎慵道存柱史五千字心在蓬萊第一峯未可逍遙空看鶴不妨勞動急 龍我慚不得金丹術塵滿衣襟抗俗容 時早設醮禱雨未應

江上阻風 自山南還都

昨日癡坐庾公樓今晨祇過柔落洲連朝巨浪高似屋萬斛大舸輕於鷗青山兩岸不可畫綠酒一尊能解憂行年五十倦頽仰愁見京塵撲馬頭

高麗僧式上人遊兩浙江會提學黃晉卿勾曲外史茅山

張伯雨好事者繪為文會圖

文章釋老誰爭雄昔人三語將無同已公茅屋見新句匡廬蓮社追遺風名勝絕憐留翰墨笑談莫謂變虛空鷄林到日傳相說杖錦歸來未是窮是詩次黃韻

吏部侍郎杜弘道號西巖野逸保下人

萬古西巖好地形憑高四望接英靈太行王屋千峯雪碣石居庸一帶青山迤綠雲通略約野泉流月渡坳陁主人固有幽栖志同送孤鴻入杳冥

送錢思復下第還杭州分得秋字

陌上王孫壯氣道交鋒劇壘在朝頭擬來披排闥闔空使乘

槎犯斗牛蟾府桂香應少待鳳梭樣肯傍搜冬烘却是居停

主江上芙蓉莫怨秋

思復來會試主禮部侍郎泰不華兼善家既而兼善考文故末章及之

正月二十六日監中習儀即景書懷

椒觴獻歲煖如蒸收燈前後不復晴風色料峭雪欲落雲陰晃漾日半明四郊未有花柳意六館但聞絃誦聲城南三月牡丹發莫遣白頭愁裡生

陽明樓

崇真萬壽宮道士丁元善

道士由來不火食仙人况復好樓居鏡湖秋水望不極禹穴晴嵐濃有餘巖下茯苓供採藥窓前柿葉待臨書紫鸞玄鶴應相遲會碾颺輪赴碧虛

初秋苦雨

白潦玄雲淨影涵漏天奚止說西南毀垣到處踈籬當支身柯
年大木堪憐慄未須悲宋玉沉吟漫爾憶岑參無窮世故靈臺
小華髮蕭騷不滿簪

濟南張智夫八十詩雲莊有序

聞道仙翁樂事多幾曾哀槁坐鷄窩華峯月冷橫久酌突泉
其酒熱過少壯爭詢三叟壽光陰未盡百年詩太平生長仍終
老笑殺行兵馬伏波

送葉仲輿令尹赴上鹽場司令

塘：牛刀新發硯闌中作寄慰編氓石崖鶴頌不盡意樟木刻

祠方稱情丹詔十行求善政玉堂一老有諸生牢盆又比爰書

苦誰為長林嘆不平

時天子下詔議舉守令仲輿已除故不得與仲輿讀書作文且能治民至大皇慶間

皆從詠昔姚文公遊故云

次韻蘓伯修侍御樊川遊春二首

霄漢春深鬢有華離愁望眼一時賒裁詩不待灞橋雪醉酒莫

嗔韋曲花渭北樹陰晴對鬱終南雲氣暮

城咫尺居庸

翠誰道痴床不念家

我別長安四見秋當時風景如夢遊含元殿下麥初老興慶池

頭波欲流三春柳蔭北軒井千枝柏暗南坊丘而今祇是成追

憶疇昔無因得久留

予以至正改元夏五備負行臺都事僅長安兩旬赴召禁林而歸寓官舍北窓後井

上有三春柳一株同官樊時中寓東城南坊舍後古冢時見光
怪旁有十枝栢樹之叢生者秦中多植之

送孫引進湖州同知

綿蕪何須魯兩生紫髯落 稱華纓秦壇導駕開徐步文陛催
班引大聲一代世官周禮重九重增秩漢恩榮水晶宮裡蘋風
起北望紅雲是帝城

張女挽詩

女諱阿慶汝南忠武王第八女今翰林待制廷
郝陵川日誦數百言充工屬對十歲而逝元遺
山續夷堅志紀其事

三生嘗侍玉晨君想像文姬一樣人露氣清凝仙掌夜天葩秀

吐上林春木蘭詩怨征行苦柳絮才高老大身却是 魂埋不

得綵鸞同與駕鸞輪所屬對今畧附子後如睡思昏、如醉思
閒心寐、似禪心洗硯黑雲浮水面折花

紅雨落墻頭滿地梨花三月暮隔墻楊柳兩家春柳水芙蓉粉
鏡曉暖烟揚柳画屏春關山明月子規魂花柳東風蝴蝶夢江
頭鷗鷺不閑名利也風波野水荆榛有底功歛尔雨露驟兩翻
空滌世間之塵垢飛虹飲海收天下之風雲

台州應翁八十號希有齋

老人須髮如秋霜深居海濱樂且康壽考何須菊潭水神仙只
在梅林陽五銖衣薄肌骨爽九節杖輕行步彊我欲相期廣莫
野痛飲共到無何鄉 梅林之陽老人所居也

告中寒食感事書懷

至正五年作時奉勅纂修宋史

少日讀書今白頭半生竊祿不知休講筵深愧程楊學史稿重
遺班馬羞多事愁 苦于病久寒春意淡于秋江南烟雨京華
月 倚晴窓憶舊遊

娶源程弘道教經堂其子名允時

聖訓行天似日星秦時晦蝕漢時明半山老人壞正道紫陽夫子集大成孝經尚欲化遐郡論語還堪致太平他日兒曹心醉後我知不羨遺金籟

送詩僧泐季潭江南有清溪稿

方外何嘗浪得名士林高處學遷鶯遠公能重陶元亮老漢常陪石曼卿日暮碧雲追雅致陽春白雪有餘聲江南烟雨樓臺好儘意推敲不用驚

紀行述懷扈從上京之行

陪扈灤京媿未曾馬瘠兒病苦凌兢龍門湍息山陰雪偏嶺風淒石瀨水倏忽雨場天巨測迂踈道路事難憑侍臣爭笑馮唐老不向明時獻技能

凍雨晚晴自成物門歸院馬上口占

碧山繚繞晝陰垂雲濕宮城雨濕衣芳草遠含春意態微陽開弄晚光輝灤河委曲經千里魏闕崖峩九圍滿目鬱葱佳氣在莫從陳迹訪依稀

送王仲方淮東廉使

薰風殿閣舜琴張睿念求賢治遠方灤水綉衣朝浥雨淮壩白簡夏飛霜九天星直三台近六轡路增十路長拔薤抱兒君素志瓊開處煇茶香

宣文博士周伯温世家鄱陽別墅有坡先世樹梅千株其
郡志載宋時守居多梅有亭名玉雪坡伯温愛之亦以
名其亭

薄俗妖妍莫競春萬抹清氣照乾坤神仙身在魏姑射居士愛
羅浮村寫物更無和靖句懷賢宜占謝公墩又知佳境因人勝
何必登亭對酒尊

喜師大都

玉署蕭然一事無漫陪鑾馭到行都白痴祇對鰲峯石清供唯
觀海月圖野曠有情開紫菊禁園無數列黃榆輪蹄迫塞通
衢隘明日揚鞭出坦途

送趙大本赴西臺御史分得塵字

釋褐由來第幾春綵衣重襲緇衣新地連羗黎民皆幸天助風
霜筆有神駉馬豈期多避路都亭無用苦埋輪致君勲業爭先
睹應嘆遺賢滿後塵

送王彬叔赴西書吏

廬江憲府昔曾經作掾聞君有此行滯皖諸山倚天後淮淝二
水得霜清蒼鷹自向秋風擊丹鳳還依曉日鳴簡牘賢勞好珍
重靈臺明處是雲程

宣城黃山汪公仲雲松樓

江東勝士高起樓坐對萬松雲氣浮流水桃花非世外小山叢

桂為誰留繁華競逐移春檻貨殖空名千戶侯唯有清標供撫
玩棟梁霖雨付悠悠

早春遣懷

百尺危橋路稍平新年邂逅一經行池臺半入荒殘景觴詠渾
非少壯情祇見晴波群浴馬未聞芳樹辭啼鶯相親賴有西山
色常似連屏照鳳城

張德謨壽松石

木精山骨舊相親鬼匠摹臨太逼真霜老蒼龍潛委蛻月明寒
玉暗傳神丘園預卜長年兆苔蘚難埋後夜春信是堅貞同氣
類望秋蒲柳謾成塵

燕石集卷第八

絕句 七言

呂仙亭

物外烟霞屬浪游有時長嘯海門秋岳陽樓上題詩了慚愧人
間韓伯休

一絢絲 張昌儀兄弟恃易之昌宗之寵所居奢溢有人題其門曰一絢絲能得幾日絡昌儀遽書其下云一日即足後禍及

清河桑少蠶拍簇曳雪牽霜不盈握西風吹落紅蓮花敗篋塵
埃棄墻角

書宜都內人傳後二首

瘦絕廬陵不保身忽從婦口議天倫鸞臺鳳閣頂眉者誰識當時有內人
繡帷春色久徘徊檀機旁邊說禍胎一笑詩人漫懷古夢中曾見內人來

朝元宮雜書三首 延祐丙辰在汴作

飛仙堂前深草青葵花榴花紅重輕幽鳥飛來弱枝動泓_々殘
雨夕陽明

七真殿西開小門此中南與書司隣板扉無人蝴蝶亂細草幽
花三月春

鄭州車過雷砮窺 墻橋上人已行睡眠羞明窓紙白驚人又

是石魚聲 齋時則擊石魚聲甚清亮

送牛農師北上三首

玉帶河流綠 藍君家橋北我橋南一談忽作容易別便是無
情也不堪 武陵城西有玉帶河

招屈亭東酒一卮人生最苦遠別離不須更折路旁柳君家門
外青垂_々 招屈亭乃郡人送別之所

阿亭學書繞五經阿孫學語繞春鶯乃翁去_々莫回目外有先
生內有叔 農師之子長玉亭從子受學次禹孫時方二歲

重過江陵

渚宮春水數經過風物消沉可奈何聞得街頭耆舊說鯽魚翻

比昔年多
南條山色翠微茫映帶江城冠楚鄉揚柳兩街多大宅好教留
待段文昌

送陳亨甫如湖南

莫為功名怨別離別離何用送行詩沅江臘月無揚柳聊折梅
花贈一枝

次韻賦春詞三首

象口香消冷瑞烟錦衾羅薦戀朝眠一心要續懷春夢不管啼
鶯繞檻前

妝樓淡月轉廊腰晴露初春浸碧桃愛品鳳簫腔未穩夜天空
望彩雲高
嬌春揚柳暗藏鴉掩映文窓一樹花寒食清明都過了悄無車
馬問儂家

澧陽道中春日

隔村山鳥學綿蠻夾路溪泉響珮環晴日烘人透衣煖不須春
酒亦酡顏

別武陵諸友分韻得身字

延祐己未三月晦日別武陵北歸

人別江南花別春鶯、燕、總傷神旗亭酒軟歌姬艷爭奈相
如是病人子是日暴得腹疾不奈觴

別後寄友

蘭舟三日屈原亭醉出南門緩轡行柳暗河街新月上一場離恨不分明

舟中夜雨寄周子善

雨暗空江夜寂寥打篷聲似打芭蕉故人好在紗窓下高擁銀燈對小喬

漂母墓

南昌亭長木蘭僧進食英雄豈不能避纒家資消幾許阿婆高冢碧崢嶸

沛中

未央宮闕錦輝煌隆準何心戀故鄉直到中興守家法年年供

頓幸南陽

晚興

紫陌歸來月魄新草深涼院掩柴門絺衣欲挂梧桐上慚愧緇塵染樹痕

感懷

擾、紅塵世態殊少年空帶五車書才情縱解吟春草畢竟京師不易居

初至都書金城坊所僦屋壁

士龍東頭士衡西長沙舞袖難旋轉豪家儘有屢連雲自是詩人嫌日短

張岷有云京師有兩般月日望月終請料錢嫌日長到月終房錢嫌日短

曉出都城 是年八月東之樂亭縣

風入秋羅半臂寒紫霞赤氣日光殷西山大是無情思忍送巾
車又出關

宿錯橋

朝來城下錯橋西神樹棲雅迫暮啼數騎東來飲河水一聲羌
管碧雲低

漁陽二首

萬馬紛紛動鼓鞞三郎束手翠華西向來別 銷兵策莫恨青

圍燕子泥

小醜從渠怨忌多不知和斛款如何萬幾儘有關心處却辨城

東熱洛河

誠夫兄寄都下雜詩五首次韻奉答 予時在樂亭縣

虎豹環宮守日旗夔龍鵠立捲班遲明良自有賡歌咏逢報諸
生莫獻詩

鳳吹龍箏樓上頭 中沽酒會英遊狂心似火何時遂定約春
風賦御溝

玉皇端拱白雲鄉扣額何時上綠章威鳳祥麟都細盡後人誰
更說昭王

擁被巴童似帽峯矮窓爐火夜深然風流張緒如楊柳却向荒
寒度半年

碎霜斜舞下遙天透胆寒威折塞綿不似豪兒衣狐白讀書辛
苦謾多年

憶武陵舊事三首

咏歸亭瞰武陵溪隔岸花開雨後齊竹篠庄園春社散青陵村
外日平西

芙蓉如妓繞橫塘一段秋容著色粧猶記周郎會心處 時雙

陸醉時狂 周子善別墅水亭名會心處

兩袖東風臉似霞滿懷紅刺訪儂家春鶯錯唱清平調輪却釵
頭縹蒂花

通州橋下見訣別者

二月五日風揚沙路陽河津揚柳茅氈車離人泣紅頰搖鞭羨
我能還家

三月一日雜詩四首 延祐七年

仙龍髯墮古混臺碧簾春深花自開踏白馬前雙斧錢路人爭
喜晉王來

苑樹雲藏紺色鴉絲樓昏鼓促沉霞分明不以藜、韻寂寞東

風十萬家 國有哀則崇天門外結絲為樓別置鼓角漏壺以
司晨昏嚴警備

柳簇紅橋綠霧勻羽林戈戟鎖重圍朝陽空照僇竹影長似東
街碧樹身

舊 甕城野櫻桃隈隅弄日晴樹高遊人來往不能折爛醉時

來玩碧梢

李廷珪墨

神物蟠髯麝波煤昇元曾是進蓬萊玄光依舊能吟日誰信昌
言已夜臺

陽關圖

繫馬停車待酒闌驪駒歌斷不成歡憑誰說 圖中客水遠山
長行路難
前春別宴武陵溪候館垂楊煖拂隄忽見畫圖疑是夢故人回
首洞庭西

七月八日晚晴暫出麗正門外二首

團、碧樹壓宮城白鳳門相淡日明回首瓊華仙島上片雲猶
欲妬新晴

曉涼門巷柳陰蟬九陌晴泥著錦鞵到處簾櫳盡相似巧搗人

靜五生焉

里俗以七夕前數日種豆麥等子小瓦器為亭牛星之神謂之五生盆

冬夜

紙窓如水月如水天際浮雲卷畫屏漏板闌珊參過午篝燈猶
誦太玄經

群蔬寫生圖

午衙太守杞菊賦朝日先生首宿盤翠峯駝峯無限美畫師何
事畫酸寒

元夜偕二友看水燈

綠髮相携御輜風珠塵粉霧月朦朧水燈浮過南橋去部被殘
冰礙紅

得周子善書問京師事及賤迹以絕句十首奉答

春王朝會大明宮祝栗魚蠻四海同至治元年調玉燭和風甘
兩者年豐

曉日雲冠綴綵珠龍顏如玉映康衢大官門外停天駟群辟翺
翔待步趨

黃流玉瓚薦馨香九廟神靈降百祥一部雲韶導仙駕歸來朝
賀坐明堂時皇帝初舉親祭之禮四方未知

至公堂下魚鱗屋鹿正門前蝸殼居三百英雄來獻賦是中應

有馬相如至公堂會試之所四方進士來試南官者率皆僦居鹿正

瑤肝玉肺渥洼駒玄圃崑崙是坦途暫蹶霜蹄未為失三年奮

迅碧雲子善昆季連與鄉貢皆不利故勉之

人海茫茫萬仞山健夫爭赴碧巖端躋攀分守不得上始信文

場蜀道難子亦以舊歲失舉

一念遺孤一愴然心旌無日不懸潞陽二月河水解定買吳

儂燕尾船弘夫兄歿于武陵姪彊在彼時子欲往視之

謝家擇婿得逸少温嶠先酬玉鏡臺羅帳合歡猶有待可憐

孤鳳意徘徊時子得婚家初納采

通來吟思濁如泥今日酬君喜賦詩不識心忪并膽怯犀珠銀
液竟何施予向苦心疾至京遂不作

泪沒京塵度歲華胃中千緒亂如麻南風準擬揮談麈贖費君
家木杵茶

錢舜舉山茶

丹青筆照水晶宮為爾寒葩染淡紅今日北人多見慣不須和
雪上屏風

雪竹白頭翁橫披二首

琅玕裊碧雲空雪綴斜梢倚北風丹鳳不來年歲晚一枝聊
借白頭翁

蒼衣雪頸凍難飛寂寞寒梢獨自栖別有春明好風景綠楊如
畫乳鶯啼

出京酬送別者南遊湖湘

臺筵華纓洗暗塵都門官柳送車輪洛陽津吏柳榆我不是終
軍等輩人

阿城

掖庭咫尺失王媪庫吏奸因鼠糞揚邂逅阿城重懷古故從何
處吊威王

小姑賢祠

虎丘南地名小姑賢舊時民家有姑惡新婦欲
織羅而去之者其小姑恚自擊取為己過糞以
悟母悔而止鄉人祠之

離鸞別鵠兩沉冥
腸斷廬江焦仲卿
不見虎丘南畔月
至今常為小姑明

舟中述懷

飯了從容盍睡禪
詩情澀似急灘船
吟成欲附都人賣
又恐明時不值錢

彭澤水驛嘲淵明

循資白髮縮銅章
明府何心解綬忙
今日公田多十倍
折腰兒輩亦無傷

五王博塞圖

鶴鶴飛滿萬年枝
羯鼓聲聞博塞時
自是開元太平事
不曾聞

有豆箕詩

賈傅祠堂二首

絳灌纒書汗馬功
治安策裡事無窮
漢家未有停年格
一歲超遷到大中

天上銀河洗甲兵
八方風雨會咸京
洛陽年少偏多事
強說當時未太平

舟中聞笛

岳陽樓下隣舟一軍將醉而吹笛愛其音韻清壯命酒賞之旦求予詩遂賦此以贈

虬鬚醉倚木蘭舟
不識人間出塞愁
吹散碧雲江上去
芳洲斜日自悠悠

毛女圖

終南靈藥可成仙
徐福空勞泛海船
七月輜輳鮑魚真不知宮
女却長年

漫成

日射金堤御水明
揚花榆莢出宮城
上林如錦春如畫
却恠黃鶯不解鳴

送存初宣慰湖南十首

存初宣慰故相野山不花之孫由宦族入侍宿衛出為湖南宣慰副

使秩滿遷湖廣省郎中至治元年君僉會福院事明年拜天官元年春受命湖南宣慰使時天子新政銳意治道開經筵留公侍講讀力辭始賜允四月朔啓行公幼受學先兄弘夫性識聰穎及長遂知好學涉獵書史作詩臨帖至于筆札硯墨雅好精緻基懇射獵擊毬等事雖嘗問作亦視之泊如也子與之交將十年前冬公特闢書室延致數月坐其下公今年三十三歲始生子未暮詩喜季唐有海棠曲亦得風致豐陽別業直梅數百本自號梅月莊主人歡倦世故時有阮去意以年方壯未遂詩人流州校官吳陟字子高公極愛其才調款辟暑椽屬故并友之公名阿榮字存初國人也

太平天子闢經筵
側席金華引舊賢
頓首玉皇香案底
旌麾畢竟使飄然

綠暗紅稀出鳳城
潞河津上酒雙瓶
湘花湘鳥憑誰報
早晚樓船過洞庭

其棠舊樹幾年餘
枝葉葱蘢拂月衢
長沙耆舊如相候
先向軺車看風雛

碧湘如鏡嶽如屏
賦客騷人聚德星
况是疎仙吟咏處
高名從此競芳馨

金貂門第黑頭公
五省三臺指顧中
便擬梅花莊上隱
不應解組太匆匆

三載王城接燕談
高齋夜雪語喃喃
有時共對桓伊曲
一種清禪靜裡參

金閨朝退暮歸時
指點鉛華儘賦詩
惆悵海棠花底事
有誰題咏有誰知

青霄持節鎮湖山
東閣招賢事不難
若用紫薇為幕客
常教銜子報平安

花飄禁籞錦機空
人別河梁酒暈紅
送春已是情懷惡
又向殘春送相公

科名自媿乖君恩
未省何曹著此身
遙想蓮花門外路
幾時湘水共行春

早出過御溝

殘月欲落日未生
樹根交合清水明
翠華迢迢沙磧香
銅駝陌上馬聲少
駕已幸開千

唐人兩馬圖

玉山芻秣渭川波
振刷驍騰意氣多
政好駢驅駕黃屋
臨危蹊嚙奈君何

少陵春遊圖

山崦樓臺花樹枝
杜陵韋曲恣遨嬉
畫圖省識春風面
應是開

元未亂時

張仲容七夕未徵詩就次韻以答
來詩云雲壓高城雨散
綠萬家秋氣入羅帷巧
側七夕喧隣里小宋明朝定有詩

鈿合紅蛛綴網絲玉兒瓜果設香帷
從來天上張公子解試梧
桐一葉詩

聞蟬

昨日流鶯今日蟬無端世故苦相煎
長安多少封侯骨兩打風
吹過少年

龔秀才還臨江二首

江上春波烟霧昏江南遊子怨銷魂
五侯池館歌鐘沸爭信麻

衣憶故園

煙霞痼疾是誰醫來到都門幾許時
莫待蜀禽啼血叫薜蘿猿
鳥怨歸期

送成都侯巖亮二首

由提季雲南乘傳過家為父慶八十壽

雲頂差我蛇陣長錦江春日淡無光
老翁白髮升平世間倚東
風看海棠

樹迷雲棧路間關詩禮庭闈夢寐還
五色衣裳千歲酒馬蹄仍
度點蒼山

省郎王景星僦居鐘樓之東頗有幽趣遂號市莊主人二首

樊川別業輞川庄摩詰才情小杜狂
聞說當年多勝事却憐官

職苦相妨

佳樹名花總是春
畫簾遙隔軟紅塵
池臺政賴閒粧點
惟欠林邊學吠人

看雲樓

昨日笙歌今日塵
交情反覆世情新
山中態度能少
辛苦長安陌上人

聽雨樓 陳存翁

侵窓度竹復臨池
絕勝瀟湘夜半時
客邸十年聽不足
可能今日重題詩

夜下新安驛寄家 館伴安南國使還鄂

河流如箭棹如飛
星漢垂光月漸西
回首曲廊微步處
文明門上夜烏啼

晚泊維揚驛 二首

驛牆紅樹晚蕭蕭
解勸行人駐畫橈
擬辦青樓狂載酒
月明何處玉人簫

朱軒翠館鬱岩峩
幾處笙歌幾處橋
恠得隔江人望見
夜深燈火似元宵

江上掉歌五首 采石舟中作以相長羊三老且以慰使云

日南使人朝貢來
東觀校書遠送回
長江無波風伯喜
不須銅告相催

江邊日出便解舟，輕帆經過烈山頭。我僕一日還到驛，你僕何日到邕州。邕州與安南接，竟故南使，以到為大成港之上。采石之下，江心有山名烈山。

遠人莫愁行路難，故鄉萬里應須還。明朝得風到池口，回首不見蛾眉山。

象奴晚泊賣象梳，金錢賣得相謹呼。大信有肉采石酒，何不多買犒掉夫。大信市猪頭甚佳，采石出美酒，舟人有大信猪頭采石酒之語。

荻花蕭蕭江月明，十舟齊發掉歌聲。但有五兩好風信，莫為離別動鄉情。

寄張仲容四首

穀窓昨日君辭婦，白駒今朝我別家。馬僕御都見慣，莫教闍

夢到天涯。

城南城北渺風烟，一度論文月再圓。腸斷而今更愁絕，蓬萊雲隔楚江天。仲容時以禮曹掾接漕舟在海上，先予一日出都，素與予契，誼甚厚，雖同居京，然各以塵事，稀復接見，嘗謂為小別離，欲賦一詩，此篇首二句小別離詩起句也。今足成之。

風流多病漢文園，玉樹森森瘦可憐。夢裡若逢徐福問，仙家何藥得長年。仲容素苦吟，清罹別時又病作。

有情誰解不相思，羅幌風乾葉落時。莫問離愁有多少，君歸猶趁菊花期。

書漢津驛 九月十二日

涼月滿庭清似水，匡牀無寐苦難勝。閨人不見羈人况，落葉橫

窓蛾撲燈

甄氏墳園春露亭二首

白楊如柱草如茵
湛玉零珠苦愴神
况是清明風雨惡
可能無淚濕衣巾

軒楹錯紱對泉宮
菽水庭闈在眼中
別有孤丘添燈滅
寧馨何處哭秋風

鄱陽蕭性淵能鼓琴
號霜鐘是其曾大父
宋南渡時所畜者
其家上世善琴云二首

池臺腸斷雍門周
良嶽繁華逐水流
往事寥寥君不見
金仙垂泣渭城秋

不似琵琶不似箏
鯨音歷歷似秋清
魚年流落江潭外
誰識秦聲與楚聲

柯敬仲持其迺尊山齋翁遺訓詩求跋

太傅當年自教兒
唾壺談麈亦吾師
蓼莪流落玄扃下
不見音容只見詩

徐氏致爽齋圖 取杜芻西山之義

陰霾蕩盡曉無霞
秋氣蕭森山氣佳
萬戶千門城闕裡
不知空翠落誰家

送章生還江陵三首

六尺身軀二十強
長安索米日倉皇
多應夢還家樂菜市街

頭春香

荆門驛路草萋々，郢樹連雲晚色迷。
因憶兒時賞心處，女貞揚柳夾濠隄。

南國相知音信疎，暮雲春樹渺愁予。
東風辨情句，代作長江雙鯉魚。

秋江小景

霜落吳江息暮濤，荻蘆花葉冷蕭騷。
山林真隱今誰在，盡裡漁舟亦自高。

趙集賢致政二首

集賢學士鬢鬢雙，皤少日軒車意氣多。
有口唯稱老聃語，向人不

曉缺壺歌

酒滿清尊花滿叢，高年樂事政無窮。
近來好語君休報，驚動林間雙鑠翁。
時有新令官至七十不致事

送同年王在中編修代祀西行六首

宮雲擁節下青冥，巨岳通川草木榮。
傳語祠官休祕祝，漢王深意在蒼生。

銀盃天香出帝都，春衣綵燦馬連跣。
城南關吏爭來認，曾向當年見素纈。

聯鑣蓆帽杏園春，五見宮花照路塵。
今日分携重惆悵，順承門外草如茵。

嬌兒文祿語初鶯內子閒閨數驛程自是曲江春酒重不堪芳
樾聽鶻聲在中長安人

同年折桂復同官同巷衡門指顧間縱是薄情詩興澀可能無
句到陽關

蜀山秦樹碧相連馬道花開三月天馬上從來詩句好定應多
費薛濤牋

街柳為暴風所折謾賦絕句

粧點官街能幾春經行常羨綠陰勻隣翁只恠南風惡不道年
來蠹滿身

城南小雨

官街楊柳綠參差花外危亭俯路岐物色宜人總依舊天陰不
似去年時

送曹義省親新塗

親在江南子在都擔簦戲彩事難俱寧馨學業今如此郎罷還
教食肉無

詹事府丞宣使方君恕還岳陽四首

銀榜宮前近識君當時悔不早知聞相逢未盡忘形話又逐燕
鴻度冥雲

古來詞客不勝愁感慨悲歌謾白頭君若到家無事日等閒莫
上岳陽樓

臘酒濃斟白玉卮寒梅香綴碧苔枝知君不作京華夢睡到山城日出時

江南才子總知名久別煩君為寄聲說道頭顱將四十鬚鬢先白兩三莖

送李文清之官八番宣慰司幕府 三首

馬踏舊路不崎嶇草色新袍是故吾山鳥山花總相識莫將詩句咏娘隅

西南邊徼渺煙霞星土列疆道正賒羈思宦情應等爾錦城雜樂不如家

武昌門外柳如絲曾見吳儂笑咏時張緒而今漸憔悴定應不似昔年枝

送謝德潤還澧州 二首

通濟橋頭揚柳枝沔陽極浦漾金絲驚見昔年題柱客歸來白髮照漣漪

征鞍遠過孫王渡稚子迎門喜氣多烟水雲山一杯酒拂衣歸去興如何

春雲出岫圖

石根騰起氣如饋辟絮成衣 置勺態度不須空靄 東臯愁殺耦耕人

大名于景初家屋梁燕巢偶壞以懸斲代之因隨雛其中

燕竟不他適來往其家凡六年異而求詩二首

春秋來去不相安王謝恩深往復還盛事他年君看取蛇啣明月雀啣環

暮宿縣堦晝出飛咲他辛苦杏花泥鄰家竈突多炎上猶自雙雙得意棲

送張尚德還長沙四首

聞君家住古長沙吳楚川途萬里賒九衢夏木皆塵土歸棹惟應看藕花

江山風露夜凄清散入心脾爽氣生重來寫作金聲賦莫向時

楓林水驛舊留連小飲謠四五篇煩君說向沙鷗道今日才

情減昔年秦定乙丑秋余以館伴安南回使宿荻港驛賦掉歌教

洞庭如海山如黛疇昔扁舟數往還今日因君倍惆悵功名無

味釣槎閒

送劉克讓歸汴中三有名天秩由河南鄉貢中第竟以便養

梁園詞客卯金刀五十人中賦手高却是鄒枚有神授他州解

送敢爭豪會試第二名 館賦

苑牆霏雨拂春旌興聖宮前曉唱名聞道明經傳奕葉寧馨今

日被恩榮時久早始兩興聖宮唱名自此舉始

玉署瀛洲總列仙徒勞州縣亦堪憐趨庭不羨長安樂還上河

津盡鷁船

送翰林編修趙宗吉秦蜀降香便道覲省二首

九重端拱不時巡宣室齋心禮百神
真壁沉牛唯遣使東封西祀肯勞民

錦衣玉節照皇都紫陌春風拂傳車
行後不須愁萬里過家能似漢相如

和省郎杜德常清明三絕無東王君實藝林

閒門景物苦無柳拂青絲杏襯霞
醞藉仙郎誰得似官曹常對紫薇花

春閨無事不聞鷄睡起朝陽樹影西
盡道陌頭寒食好賣花聲裡有啼

赤闌橋嫩花谿過白板扉臨柳岸
開最好苑牆東畔可入何事不頻來

送湖州李教授之官二首

軟紅塵裡換青衫彈缺歌殘策去驂
不用臨歧重惆悵落花迎棹過江南

筆翰超然松雪仙丹青已矣雲溪錢
高齋應有橫經暇品畫臨書亦自賢

群魚龜蟹圖

紫蟹玄龜素鬣魚悠揚作隊出菰蒲
吳中餓殍須南食腸斷腥

風是畫圖

送新安王元成赴遼陽教官二首

三月邊城未見花
榆關盡處草連沙
舉頭只見長安日
忘却江東是故家

聞道東人樂事并
舞姬酬錦曲
綾廣文別有詩
味自分臯比冷似冰

揆初堂

閔中某氏永感之後壽日避客之所

二十年前具慶時
彩衣詩吹進瓊卮
而今亦有如渑酒
自顧微軀欲奉誰

堯民圖

詩謠人物接康衢
和氣氤氳溢八區
日暮悠々纔過午
周人酒誥漢人醜